



Inatsisartunut Ilaasortaq  
Hr. Jens B. Frederiksen

### **Ingerlatseqatigiiffiup North Greenland Seafood ApS-ip saarullittasinneqarnissaanut akuersissummik tunniussisimaneq pillugu**

Ingerlatseqatigiiffiup North Greenland Seafood APS-ip saarullittassineqarneranut tunngatillugu apeqqtugisatit Naalakkersuisut sinnerlugit matumuu-na akissuteqarfigissavakka.

20. august 2008  
j.nr. 01.28/2008-  
64.21.08  
Postboks 269  
3900 Nuuk  
Oq/tel +299 34 50 00  
Fax +299 32 47 04  
apnp@gh.gl  
www.nanoq.gl

- 1. Naalakkersuisut ingerlatseqatigiiffimmut North Greenland Seafood saarullinnissamut akuersissummik tunisisimanerannut suna tunngavigineqarsimava, tassami ingerlatseqatigiiffik akuersissummik tunineqarnissaanut piumasaqaatinik naam-massinissimangimmat?**

Qaleralittassanik, saarullittassanik aalisakkanillu allanik kalaallit aali-sariutaannut 2008-imi inaarutaasumik pisassiinissamut tunngatillugu Naalakkersuisut isummernissaanut tunngavissiami 12. marts 2008-imeersumi aalisariutaatileqatigiit tulliuttut saarullittassinneqarnissaat inassutigineqarsimavoq: Royal Greenland A/S 1.000 tons, Sigguk A/S 1.000 tons, Saattuaq A/S 1.000 tons, Qaleralik A/S 2.000 tons, Arctic Prime Fisheries ("Haki") 2.000 tons, Tunumi Tsuuddii A/S 1.200 tons, Arctic Prime Fisheries (Kuummiut) 1.200 tons kiisalu East Greenland Codfish 1.000 tons.

Naalakkersuisut 3. april 2008-imi ataatsimiinneranit imaqarniliani nr. 201/2008 atuarneqarsinnaavoq, Naalakkersuisut isummernis-saanut tunngavissiaq 12. marts

2008-imeersoq tunngavigalugu saarullittassat assigiimmik ingerlatseqatigiiffinnut makkununga ag-guaanneqarnissat Naalakkersuisut aalajangiiffigigaat Royal Green-land A/S, Sigguk A/S, Saattuaq A/S, Tunumi Tsuuddii A/S, Arctic Prime Fisheries (Kuummiut) aamma East Greenland Codfish, ta-matuma saniatigut Qaleralik A/S aamma Arctic Prime Fisheries Aps ("Haki") tamarmik immikkut 1.500 tonsinik saarullitassinneqarput, taamaasilluni saarullinnut tunngatillugu TAC tamakkiisoq 15.000 tonsiusoq qaffanngikkaluarlugu North Greenland Seafood ApS-ip 1.000 tons-inik saarullitassinneqarsinnaanissaa periarfissaqalerluni.

Naalakkersuisut isummernissaannut tunngavissiami pineqartumi naalakkersuisoqarfiup TAC-ip agguarneqarnissaanut inassutigisaa-nit allaanerumik tullerriaarisoqarnissaanik isummernermit pissutaa-voq, Naalakkersuisut kissaatigimmassuk inuussutissarsiutigalugu aalisartut nutaat ingerlatseqatigiiffiillu nutaat aamma periarfissinneqarnissat. Allannguutissatut siunnersuutit pineqartut akuerisimavakka piumasaralugu inassutigineqartumi allannguutit naalakkersuisut ataatsimiineranit imaqarniliami allassimanissat.

- 2. Aalisarnermut inatsit tunngavigalugu Naalakkersuisut immikkut ittumik tunngavissaqartillugu aalisarnermi inatsimmi piumasaqaataasunit allaanerusumik immikkut ittumik akuersissuteqarsinnaapput, tassa inuutissarsiutigalugu aalisarnermut pingaarutilimmik tunngavissaqarnera nalilernerqarpat. Taamaatumik Naalakkersuisut qinnuigineqarput North Greenland Seafood-ip saarullinnik pisassinneqarnerani akuersinermut tunngavigisat inuutissarsiutigalugu aalisarnermut pingaaruteqartut suunersut nassuiaateqarfigeqqullugit, tassami Naalakkersuisut Siulittaasuat isumaqarmat taakkua immikkut ittumik akuersissummik tunineqarsinnaasut?**

Apeqqutit imatut paasivara, North Greenland Seafood-ip angallam-mik attartornissamut qinnuteqaataa aalisarnermut inatsimmi § 6 naapertorlugu immikkut ittumik akuersissuteqarfigineqartariaqartoq innersuussutigigit.

Inuussutissarsiutigalugu aalisartut nutaat ingerlatseqatigiiffillu nutaat periarfissinneqarnissaannik naalackersuisooqatigiit angunia-gaat aallaavigalugu immikkut ittumik akuersissuteqartoqarpoq. Ta-matuma saniatigut North Greenland Seafood ApS-imi ingerlatsisut Diskobugtimi qaleralinniarnermik ingerlatsisuupput. Pineqartut saa-rullinniarnermut ikaarsaariartinneqarnerisigut Diskobugtimi qalera-linniarneq annertoreeqqisoq annikillisinneqarsinnaavoq.

**3. Kiisalu Naalackarsuisut qinnuigineqassapput soq pisassiisutit qinnuteqartunut allanut inatsimmi piunasaqaatigineqartunut naammassinnissimasunut allanut tunniutiinnarsimanginnerlugit nassuiaateqarfigeqqullugu.**

Naalackersuisut nalilersimavaat ingerlatseqatigiiffinnut allanut ag-guaasseqqinnikkut aningaasatigut iluanaarutissat annikilleriassasut, taamaattumillu qinnuteqartut allat itigartinneqarnerinik nalunaarfigi-neqarlutik.

**4. Naggataatigut Naalackersuisut qinnuigineqassapput ingerlatseqatigiiffimmik North Greenland Seafood-imi piginnittut kikuuneri nassuiaateqarfigeqqullugu.**

Inuussutissarsiutinut Ingerlatseqatigiiffinnullu Aqutsisoqarfiup nalu-naarusiaa naapertorlugu North Greenland Seafood ApS-imi siu-lersuisut makkuupput: Anthon Frederik Svendsen Lindenhann (siu-littaasoq), Ilulissat; Martin Benjamin Tobias Sandgreen, Ilulissat; Vitus Erik Isak Lange, Ilulissat; Otto Stephen Tobias Lindenhann, Ilulissat; Karl Jan Marius Jakob Fleischer, Ilulissat.

Naggasiullugu ilisimatitsissutigisinnaavara North Greenland  
Sea-food 22. august 2008 nallertinnagu angallammik  
tamakkiisumik oqartussaaffigalugu attartornissamut  
isumaqatigiissummik nassitse-reersimanissaanik  
piffissalersimagakku. Isumaqatigiissut piffissa-liussap  
qaangiutinnginnerani tiguneqanngippat imaluunniit paasi-  
narsippat angallammik tamakkiisumik oqartussaaffigalugu  
attartor-nissamik isumaqatigiissut piumasqaataasunik  
naammassinnissi-mangitsoq pisassiissutit  
ingerlatseqatigiiffinnut allanut pioreersunut  
saarullittassinneqarnissamik piumasqaataasunik  
naammassinnis-simasunut agguateqqissavakka.

Inussiarnersumik inuulluaqqusillunga

Finn Karlsen

Naalakkersuisuni ilaasortaq